

در سعادتده باب عالی جوارنده
دائرة مخصوصه

محل اداره :

مشرط القلم

اخطار :

مسلكمزه موافق آثار جديده مع المنوويه
قبول اولنور

دوج ايدله بن آثار اعاده اولنور

ديس، فلسفه، علوم، حقوق، ادبياتده و سياستده و باطلاحه كرك مياسى و كرك اجتماعى و دمرنى احوال و شئونه ايدله ميره ديه بحث ايدر و هفته ده بر نشر اولنور.

آبونه بدلى

سنه لكى التى آيلنى

ممالك عثمانيه ايچون	۸۰	۴۰	غروش
روسيه	»	۶۰۰	۳۰۰ روبله
ساثر ممالك اجنبيه	»	۱۷	۹ فرانك

صاحب و مؤسسارى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاردر

قيرله دن مقوا بورو ايله كوندريليسه سنوى

۲۰ غروش فضله آلنير

عدد : ۶۱

۲۰ شوال ۳۲۷ پنجشنبه ۲۲ تشرين اول ۳۲۵

اوچنجى جله

حبل متین التہی بہ اعتصامدن اوزاقلا شہرق بو حالہرہ کرتار اولدیلر. یوقسہ دین مینمز بزه دائماً وحدتی ، دائماً ایلرودہ بولونہ یی امر اییدیور. بز هیچ کیمسہ یہ محتاج اولمایہ جغز ، بتون اقوام بزدن اقتباس مدنیت ایدہ جک؟ بتون علوم وفنونک، بتون ترقیات مدنیہ نک مرکز ومنبعی اسلاملر ، ممالک اسلامیہ اولہ جق.. نتہ کیم وقیلہ بویلہ ایدی. مع التأسف شمدی ایسہ او شرف، مظهریت شویلہ طورسون اوفنونک ، او ترقیات مدنیہ نک دشمنی اولمشز. دینزمی تبدلہ اوغرامش ، یوقسہ اسکی مسلمانلرمی دینی اکللاماش؟

نہ غریب حالدر، بونلری کوریور، حس اییدیور، سوبیلورزده ینہ بش کشینک باش باشه ویرہ رک بالفعل چالشمہ باشلا دقلرینی کورمک نصیب اولمایور. کچلرده بویلہ برمکتب تأسیسنہ اولان احتیاجی بعض ذواتہ عرض ایتدکده آلدیغمز جوابلردن بد بینلکده یک حقلی ومعدور اولدیغمزہ کسب قناعت ایلدک.

نہدر بو حال؟ مسلمانلرک قانی می تورومش؟ قیللری می تحجر ایتش؟ یوقسہ دینزمی ده دوشونمہ یی اجیللردن می بکلیہ جکز؟ یازیق در. بو حالک دوا می ممکن دکدر. بر قاج عصر ظرفندہ روی ارضہ یوز ، ایکیوز میلیون اکسین مسلمانلر حالاً بوانحطاطی حس ایتدک، رک کمال فعالیت وجدیتلہ بالفعل چالشمہ. یولیلہ ، مدنی کیمسہ لرہ مخصوص بر انتظام ایلہ چالشمہ باشلامازلرسہ صوکر قباحی هیچ کیمسہ ده بولماسونلر.

آراق طمارلرندہ خون اسلامیت جولان ایدن ارباب حمیت بواحتیاجی حس ایلہ ، غیرت وفعالیته کلہ رک بو خصوصہ کی فدا کارلغنک قیمتنی تقدیر ایللمی وهان ایشہ باشلاملی درلر. توفیق جناب حقندن در.

فلسفہ حیاتیہ

باخود

انبات راصب

ذوی الحیاتک تکامل وتناسلی

ذوی الحیاتک مکان اعتباریہ مورفولوژیسی بوندن اولکی مقالہ مزده مطالعہ ایتدک. برده زمان یعنی شخص ونوعنک دوامی اعتباریہ تدقیق ایدہ جکز.

مشاهدات فنیہ بزه کوستریور کہ بتون ذوی الحیات بدایتده برتک هجردهن تشکل ایتشد. بو هجره ابتدائیہ نک ترتیب داخلیمی شخصک وحید الحجره ویا کثیر الحجره اولہ جننه کورہ تخلف ایدر. وحید الحجراتده تولدن اعتباراً حجره نشو ونمایہ باشلار. بر زمان معینہ واصل اولونجه ایکی ذوی الحیات تشکل ایتک اوزره بذاتہ ایکی پارچہ یه آیریلور. بوندن صکرہ اسکی حجره ، اسکی شخصدن هیچ برار قلماز ، برینہ ایکی شخص جدید قائم اولور. بونلرده اولکی کبی علام

تغدی ونسبیہ اظهار ایدر ، بونلردن هر بریسی بویور ، انقسام ایدر. وایکی شخص جدید حاصل ایدر. ایشته بوسلسلہ تشکلات بویلہ جه دوام ایدر کیدر.

شوندن اکلایدور کہ وحید الحجراتک تکاملی ایکی دوری حاویدر. برنجیسی قبل التولید ، یعنی نشوونما دوری در کہ مخلوق ایکنجی دورہ یعنی دور تولید وتناسلہ حاضرلر.

(وايسان) تک حجرملی ذوی الحیاتک باقی وغیر فانی اولدیغنی ادعا اییدیورسده بونلرده عارضی اولہرق تلف اولہ بیلورلر. یعنی بونلرده موت طبیعی یوقدر، حتی ایلرودہ بحث ایدہ جکمز وجهلہ بو حال کثیر الحجرات ایچون بیلہ بر درجه یه قدر عینیدر.

کثیر الحجراتده حجره ابتدائیہ یعنی (بیضه) ینہ عینی نوعدن تحصیل ایدن بر حجره دیکرلہ یعنی (حوین منوی) ایلہ قاریشدقندن صکرہ بر (بیضه ملقحه) اولور. بوده نشو ونما بولہرق ایکی حجره دیکرہ انقسام ایدر ، فقط بونلر ، وحید الحجراتده وقوعہ کلن حالاتہ مغایر اولہرق ایکی ذی حیات جدید ، ایکی شخص تشکل ایتک اوزره بر بوندن آیرلزلر ، برلکده مجتمع اولہرق نشو ونما بولور وهر بری ایکی حجره یه آیریلورلر. ایشته بوانقسام یک چوق دفعہ تکرار ایدہ ایدہ بر چوق حجراتک تکثرینی انتاج ایدر کہ بونلرک کافہ سی یکدیگرینہ ملاصق اعضا وانساج مختلفہ تشکل ایتک اوزره تخلفہ دوچار اولورلر. بواعضا وانساجک هیئت مجموعہ سیدہ کثیر الحجره اولان شخصک وجودینی تشکل ایدر.

انسانک وجودینی تشکل ایچون بیکلرجه میلیار حجرات (حساب ایدلر) کینہ کورہ وجود بشر الی تریلیون حجره دن تشکل ایتشد. نوعک باقی اولدینی مدتیہ هر انسان ایچون عینی اولان بریلان موجبنجه ، بر نظام وسایق مکمل اوزره توضع ایدرلر. انسان ایچون اولان بو حال کثیر الحجرات اولان ذوی الحیاتک کافہ سی ایچون عینیدر. هله شوراسی اول قدر شایان دقتدر کہ بویلان شخص کثیر الحجره نک بتون تعضوی ، بتون وظائفی وبتون قابلیتیلہ بیضه ملقحه ده بالقوه موجوددر.

مختلف ذوی الحیاتک بیضه ملقحه سی شکل وترکیب کیم یوجہ بر برینک عینیدر.

انسان یومورطوسی کوپک یومورطه سنہ تماماً مشاہددر. فقط برنجیسی انسان ایکنجیسی بر کوپک چیقاریر. بیضه نک شکل وترکیب کیم ویسی طانیق کفایت ایتز ، منشئی بیلمک لازمدر. زیرا منشأ یومورطه نک حجره سنہ عادتاً مهر مخصوصی باصیور. بیضه ملقحه یی تصور ایدنلر ایچون حیرتہ دوشمه مک ممکن اولہ من. پروتو پلامانک بو کتلہ خرده بینہ سی ، (ذی حیات) دینیلن [انسان ، کوپک ، قوش ، بالق ، بوجک ، نبات] اثر نفیسی وجودہ کتیرہ بر صنعتکاردر. بو آثار نفیسه نک یاننده بدایع بشریہ چوجق اویونجانی مثابه سنده قالیر. کثیر الحجراتک تکاملی اوچ دوری حاویدر:

فونٹرانس

لسان عثمانی تدریساتی حقنہ

(معارفك دعوتیہ اسپارطہ لی حق افندی طرفندن ۲۹ اغستوس ۲۲۵ تاریخندہ مکتب حقوقہ مکتب رشیدیہ معلمینہ تقریر ایدلشدن)
ایکنجی مصاحبہ دن مابعد

(خلاصہ: قواعد جیلر آراہندہ اسمک انواعی (اسم جنس، اسم خاص، اسم اشارت، اسم مبہم، اسم شخص، اسم کیفیت) — اسمک اوغراذینی حالل — اسمک باشلیجہ نوعلری (اصل اسم، ضمیر، صفت) — اسمک بسیط اولماسی، ااتلہ برلشمش اولماسی، اسم ویاصفتلہ برلشمش اولماسی) — اسملری اعمال واستعمال — اداتلرک یازیلیشی اوزرینہ ایکی سوز — بقیہ سی صوکرہ)

اسمک قواعد جیلر آره سندہ بر طاقم نوعلری وار .. کله بی اوچه تقسیم ایدوب بر قسمہ (اسم) دینجہ (صفت) کبی، (ضمیر) کبی، (اسم اشارت) کبی بعضاً آیری صاییلان نوعلردہ اسمہ کیر .

اوت اسم برشی کوستہریر . فقط بو کوستہریش و برشی ہپ بر دکلدن . مثلاً (طاش) دیرز . بو بر اسمدر ، برشی کوستہریر . فقط بوشی بزجہ بللی برشی دکلدن . (طاش) دینجہ کوزمزنک اوکنہ معین بر طاش کز . او حالہ بوکله نہی کوستہریر ؟ یردن چیقاریلوب بنایہ نلان یارایان بر مادہ بی کوستہریر . کلمہ عمومیت اوزرہ بر جنس کوستردیکی ایچون ہر طاشہ (طاش) دینیر . کذلک (دکیز) دیرز . بوکله بوتون دکیزلرہ عام اولہرق (دکیز) دینن بویوک صولری کوستہریر . فقط ہانکی دکیز ؟ بللی دکل . بوتون دکیزلرہ (دکیز) دینیر . دیمک ، (طاش) و (دکیز) کلهلری بویوک بر جنسہ عامدر . بوسیبلہ بللی اولمایان برشی کوستہرن اسمہ (اسم جنس) و (اسم عام) دینیور .

اسم بعضاً بللی برشی کوستہریر . مثلاً (مارمارہ) دہ برشی کوستہرن بر اسمدر . اوشی نہدر ؟ بللی بر دکیزدر . (مارمارہ) دینجہ مارمارہ شکلیلہ ، حدودیلہ کوزمزنک اوکنندہ تعین ایدر . (استانبول) و (احمد) دینلجہ دہ بویلہ اولور . دیمک کہ اسمک بونوعی بر فردہ خاص اولوب اوفردی بللی اولہرق کوستہریر . بویلہ بللی برشی کوستہرن اسمہ (اسم خاص) و (علم) دینیور .

اسم ، اشارت یرینی طوتار . چونکہ اسمی قوللانمایوب اسمک مسماسی پارماقلہ کوستہرلسہ مقصدینہ حاصل اولور . (شو آغاچ) ، (بوکتاب) ، (اوچوجوق) کبی سوزلردہ کی (آغاچ) ، (کتاب) ، (چوجوق) بر اسم جنسدر . بونلرک اوستلرنندہ کی (بو) ، (شو) ، (او) نہدر ؟ بونلر اشارت یرینی طوتان بررکلمہدر . برشی اشارتلہ کوستہریلنجہ بللی اولمازمی ؟ بونلردہ اشارت ایتدیکی اسمی مبہمکدن قورتاروب بللی حالہ کتیریور . بویلہ اشارت ایتدیکی شیلری بللی حالہ کتیرہرک کوستہرن بو اوچ کلمہ (اسم اشارت) دینیور .

اسم جنس بللی اولمایان برشی کوستہریر . بعض کلمہلردہ بو بللی اولماق حالی پک زیادہدر . مثلاً (خیلی مشکل) ، (کیمہ آکلاتمالی) سوزلرنندہ کی (خیلی) و (کیم) کلمہلری .. انسان بونلرہ قارشی بر

(۱) قبل التناسل اولان دوردرکہ بواننادہ (ذی حیات)، حجراتی تکثیر ایدہرک نشو و نما بولور و تناسلہ حاضرلیر . بوتکثر حجرات وحیدالحجرہلردہ اولدینی کبی نامتناهی دکلدن . اعضا واجہزہ نشو و نما لیرنک بر درجہ سنہ کلنجہ (کھولت) حجراتک تکثری وشخصک نشو و نماسی منقطع اولور .

(۲) دور تناسلدنرکہ بو مقصد ایچون آیریش اولان حجراتک (حجرات) تناسلیہ و یا جنسیہ یاردیمیلہ شخصک تکثری وقوعہ کلیر .

(۳) بعدالتناسل اولان دوردرکہ بونک دوام ایتدیکی ائنادہ شخصک وجودینی تشکیل ایدن حجرات کہ وظیفہلری حجرات نسلیہ بر محیط موافق حاضر لامق ایدی — فائدہ سز بر حالہ کلهرک ار ویا کج بر حال الحظاطہ ، تغدی و فعالیتی تدریجاً تناقصہ والحاصل اختیارلہ ، دوچار اولورکہ نتیجہ سی (موت) در . بناءً علیہ کثیرالحجرہلرک وجودلرینی تشکیل ایدن ملیارلرہ حجرہلردن یالکیز ؛ یکدیگریہ تصادف ایدہ بیلوبدہ بر برینہ قاریشان حجرات نسلیہ (بیض و حوین منوی) موتدن قورتیلورلر و بر ذات جدیدک تشککنہ باعث اولورلر . (موت) تکاملک توقف قطعیسیدر . بودہ اوصاف حیاتیہ نک یعنی تعضو ، تناسل ، تغدی و افعال نسلیہ نک انقطاعیلہ اکلاشیلیر .

لاشہ ، شرائط محیطیہ موافقہ قونولسدہ علامت حیاتیہ کورلنر . بو صورتلہ موت بعض مخلوقاتدہ کوریلن (حیات خفی) دن تفریق اولنور . فی الحقیقہ اولدکن صکرہ وجود ذی حیات ساحۃ طبیعیہ جامدہیہ داخل اولور واجسام جامدہ کبی (قوت ومادہ) قانونلرینہ تابع اولہرق آراتق حیاتی توصیف ایدن خاتم غائیہی حائر اولہماز .

اجسام ذی حیات فانیدر ، موتہ محکومدر . موت ، وحیدالحجراتدہ عارضیدر . حالبوکہ کثیرالحجرہلرک تکاملنک نہایت طبیعیہ سیدر .

خلاصہ — ہر بر ذی حیات بر دور تکاملہ مالکدرکہ بو ؛ کندی اجدادینک تکاملنک تکررندن عبارتدر وباشلیجہ صفحہلری نشو و نما وتکثردر .

وحیدالحجراتک تکاملی ایکی ذاتک تشککنہ منجر اولور . کثیرالحجرہلرک تکاملی دہ عینی برویا زیادہ اشخاص جدیدہ نک تشکلی مقصدی اوزرینہ ایسدہ بو ، موت ایلہ خاتمہ پذیر اولور . بناءً علیہ ، تکاملدہ بر مقصد ، بر علت غائیہ واردرکہ اودہ (تناسل) در . بتون افعال حیاتیہ ہان بونک اجر اسنہ خدمت ایدیور . وحقیقہ شخص ذی حیات ، تولید و تناسلدن یعنی نوعنک ائامہ سندن عبارت اولان مقصدہ وصولدن صکرہ محو وغائب اولیور . جالب نظر دقتدرکہ بو تکامل ، بو تعضو غیر ادراکی در وبونک اجر اسندن مطلوب اولان مقصدہ شخص ذی حیاتک مجھولیدر . بالقوہ ویا بالفعل تناسلہ منجر اولان تکامل یالکیز موجودات ذی الحیاتدہ مشاہدہ اولنور . وبونلرک اکمہم اوصاف ممیزہ سندن برینی تشکیل ایدر . دہا وار

انقرہ لی : علی رضا